

## ASHÍ AÉNTS NUNKÁ UNTRIN AKÍN ARANTEAMU

Juinkia kaya jea nii takatrijje kuitia juntri SRI ashi núu takatan imiankaska pénger turatsa, aenstin nekamtikiatsa wakerawai iniu umiktiniash tuwait tura iniu akikmaktiniash tua ania kuit chichamna nunká untrin sútai ejeramunu.

Júu etsérma papí aármanum No. NAC-DGECCGC17-00000004 nuú chicham iniankasmaiti, nekaska penker yamaram chichamjai iklar iwiarar aárma najanamu No. 980 nekapmarmarinti nuú aármanu, tsawant 07 tuntiák nantu 2017 uwitin aárma, umintikiatniun núu tsawantin iniankasarmai. Juinkia kaya jea nii takatrijje kuitia juntri SRI etsérarmai, nekaska kuit nunká úntri sútai, itiur ii aéntsti nuú akikmatish imiatrusrik uminktiniatijaj umitie chichamnum úunt irutkamuti aármanum umiktinmash tura ashi asutkiartin chicham ii nunká untrin umirkatin tímia najánamunmash, tuma asamtai nuú chicham nui tama umínkiat tusar nekamtikramainiawai, amin akikmau asakmin aranturtamainiak, imiankaska ame atamin ashi ii unt nunka matsatkamunam, juú kuitjie takatnash emtikianiak SRI níí takatriniasash paánt nujai amajenak, juú aárman atumin ejeturmainiawai, juka amin itiur irmasartin ainia tura aranturmakartin aini nuú étsermaiti, áme nekatniuka juú ainiawai:

1. Aénts nui takákmainia utsumamurmin umirtamkatsanka penker yainmakartin tura irmastin ainiawai, aminiu papí nui ikiusa tákakmanash yankesh nekamtikiashtin ainiawai.
2. Nui takakmania pénger ame papí najánatin utsumamun anturtamkar yainmakartin ainiawai.
3. Kuit awanturmakartin akuish imiatrusan amasartin ainiawai
4. Ashi chicham akikmamun ame nekatsam wakeramun arantukmajai amasartin ainiawai.
5. Itiurchat chicham aminiu akikmamunu akuish itiur iwiamrtartiniat arantukmajai turamiartiniati.

### **1. Juinkia penker paánt etsérataji itiur asamtai táji aénts nui takmainia utsumamurmin umirtamkatsash penker irmasartin ainia tura aminiu papín nui ikiusa tákakmanash yákeshtin tura nekamtikiashtiniash ainia, nuú jui titiatji:**

a) Takainia níí shuarcheitkiumnish arántukmajai utsumamurmin yainmaktasah pénger anínmas pénger chichamjai irmasartiniati, aéntscha ánin ísmaka achatniuitme, arántukma atiniatme, ashi aénstikia metekrak asákrin ímiatrusan arántukmajai irmasartiniatiji, tura ashi aénts nui takakmainiaka paánt nuna néka ainiak naát níí takatrín amajainiak áni iniakmamsartin ainiawai júu kaya jeanmanka.

b) Ashi akíknamu papí juamu, chicham áme nekak tusa amamu, áme narmin kuishpiniuan jui níí nékamunash, ameniu ashí papí nui ikiursa takarman, itiur akikrumesh paánt akikmakmesh amajaitiam, imiankaska ashí itiur nush umiki wininiatiam, asutkiari néka asam nuú asutiuawain tusam pénger takakmaki winianiatiam, nuú ashí turamu juinkia chicham aminiu nékamu, arankamujai úkma atiniati yakeshtin timian umintikiartiniati.

**2. Wariampia tusa nuú kaya jeansam takakmania pénger ame papírmin iwiarkiatumratniun tura najánatniun utsumamun anturtamkar yainmakartin timiat, nuka junisaiti:**

- a) Ashi aénts nui takakmainia amin arantukmajia chicham yamaran ejeramu akuish paánt nekak tusar ujuarmakartiniaiti, juka kuit chichamna asamtai imainkaska ame kuirtrum nunka úntri suamunu chicham asamtai, aya aénts nuna akikmin ainianu asamtai, nii takatri nerenniuri ása akikmaktin tusa ejeramu umiktin aá asamtai.
- b) Juinkia ame chichamrumin anitrustasa wakeramun arantukamajai anturtamkar ainiawai, tura nuú aninramu warik nekatin wakeramun paánt amajtamsartin ainiawai, tsawant takakmatai uminkiatin tímian nunisan nui takakmainiaika aninramun umirtamkartin ainiawai.

**3. Wari tusaria kuitnia chichamna nekatin, nuú awanturmakartin akuish imiatrusan chichaman arankamujai ujuatmakartiniait táji, nuka juú ainiawai:**

- a) Arantukmajai ujuatmakartiniaiti kuit tii nukakapat akikmakuitkiumin, tásuitkiuish, tura nekaska nukakapat akikmakuitkiumin, papí aármajai nuú kuit awainkitsam seamu patasakmin, nui seamu nekasaitkiunkia ísar awanturmakiartiniaiti.
- b) Antsan itiurchat chicham aminiu ántar patasma kuitnia akikmaktin timia akuish nekaschaitkiunkia, nekamtikiakmin niish pénger ísar núu asutkianka japirtamrartin ainiawai.
- c) Aentsan nuú kaya jea takatri amuwakuish ashi ní takatri yamaikia amúkayi kuitnianuka tusa tamanash arankamujai ujuarmakartin ainiawai.

**4. Wari tusaria ashi chicham akikmamun ame nekatsam wakeramun arantukmajai amasartin ainia táji, nuka júnis takur taji:**

- a) Ashí papíri iwiarkamu áminiu takat jea takámujai tura ashi aminiu warimpia takaream kuit iwiasmakmajaish nuú papí takurtamainia jusatsam wakerakminkia yupichuch amasartin ainiawai.
- b) Ashí papí najanamu itiurchat chicham takat áme takakeamun nuna papíri iwiarkatsam aára patásman itiurak wea, nuú iwiarnariash tusam aninramunash nekamtikramatin ainiawia.
- c) Aetak ujuatmakartiniaiti áme warinkish takareakmin tunianak takarea tusa nekatsa wakeruinaika aetak chichaman turatniun jusámu ejéramunash umitsuk, jeémin wetsuk nekarmamtikiartiniaiti amesh iwiarnaram papíjiesh nakamsae tusar tura ánish ayamprumakminiam tusa, antsan warí asamtaiya túruinia, itiurkartasa nekatniunash wakeruinia, áme umiktiniash yajauch amájtamsuk túrutmawartiniat, tura imiankaska warinia aminias aranturmakartiniait, nuna nish paánt nékainiak pénger takátriniash

turawartiniait, urútma tsawanta chicham iwiaratin akuish nakarmasartiniait umitie papí tána anis imiatrusan umikiartin timia amanumash.

**5. Warí tusaria itiurchat chicham áminiu akikmamunu juáku akuish itiurchat najantsuk iwiaratsa wakérakmin papí júnis najánatniuitme tiar jintinramatin ainia, nuka junisaiti:**

- a) Papí akikmaktasam najanamu awájiram akupkaitkiumesh aranturmakartin ainiawai, nuka ataksha iwiamam japíram patásminiaitme, nunis papíniumash umiktin tama awai.
- b) Juú kayá jea itiurcha chicham aminiu ákui ayámprumatian aranturmakartiniaiti juka nunish papí aárma ejéramu ákikna chicham táwai tura imiatrusan nish nuna umikiartin ainiawai, yamaram chicham iwíáramunmash nekása núna táma samek patátui núnis aárma asantai étsereaji.
- c) Kuit awanturmakartin ákuish nush arántamuiti seamtin, itiur akikmin aéntsuitiam táma papí aáma aminiu takatrumi seamainiakui jusatsa wakeramunash aránturmainiak yúpichuch amásartiniaiti juka júnis umiktin papíniumash táwai.
- d) Ashi itiurchat áme takúsma aénts nui takakmainiajai nii untri umimtikiat tusam papí aáram patátkatniuitme tura nuna arantukmajai achírtamkartiniaiti, pénger takakmainiawia takurish aitkiasrik turatniuitji, wararsamujai pénger takatri níí aéntsri nájaneamu aujmatkur émkitiarum takurish papí aáram pitiakach nuú kaya jea apújsamu ámanum wáchirin enkear ikiuktiniaitji.
- e) Itiurchat amijie tura nuú kaya jea takurtamainiakuish arantukmajai metekrak irmainiak nuú chichamnash iwiaratai turamiartinaiaiti, asutiak chichamaitkiuish ayamprumamakmin aranturmakartiniaiti.
- f) Arantukmajai ashí chicham nekasa nuú áme támanash anturtamkartiniaiti, tura ashí ámin yajauch turámena nekaschaitkiunka ya irmasuit tura nuú wétramunash ya amin ayamprutmak nekaschaiti timiniait nuú yaintmaktiniash arantukmajai pachirtamsartiniaiti.

Ashi nuú chicham pénger nekatsamka jui inkisa mutsuke itieniam wéankam nui waniam juú aárma apujсам ísta [www.sri.gob.ec](http://www.sri.gob.ec) nui wetin jeashckumka chinchipniumash untsumkamnietme juú aram 1700 SRI (774 774) aénts nuinkia airmak jintinramatui.